



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/21-3-40-573-6/21**
Datum: **26.01.2022. godine**

„Agencija za vodno područje rijeke Save“ Sarajevo (u daljnjem tekstu: Agencija) rješavajući po zahtjevu korisnika „GRAND BENZ“ d.o.o. Velika Kladuša, za izdavanje vodne dozvole za ispuštanje onečišćenih oborinskih voda sa prostora internih saobraćajnih i pretakališnih površina objekta benzinske pumpne stanice te tehnoloških otpadnih voda sa prostora autopraonice sa pratećim sadržajima, izgrađenih u ulici Zuhdije Žalića, u Velikoj Kladuši, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98 i 48/99), donosi:

R J E Š E N J E **o vodnoj dozvoli**

1. Daje se vodna dozvola pravnom licu „GRAND BENZ“ d.o.o. Velika Kladuša, za ispuštanje onečišćenih oborinskih voda sa prostora internih saobraćajnih i pretakališnih površina objekta benzinske pumpne stanice te tehnoloških otpadnih voda sa prostora saomouslužne autopraonice sa pratećim sadržajima, izgrađenih u ulici Zuhdije Žalića, u Velikoj Kladuši, na zemljištu označenom kao k.č. broj: 2008/3, 2008/5 i 2008/6 K.O. Velika Kladuša, općina Velika Kladuša.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede, vodoprivrede i šumarstva Unsko-sanskog kantona, u skladu sa članom 139. stav (2) tačka 1. i 2. Zakona o vodama.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uvjetima:
 - 3.1. Da korisnik predmetnog objekta u roku važenja ovog rješenja, uradi slijedeće radnje:
 - Reviduje i realizuje Glavni projekt rekonstrukcije sustava odvodnje onečišćenih oborinskih voda, urađen od strane ZAGREBINSPEKT d.o.o. Mostar, pod brojem: 01-15-151-XI/21 studenog 2021. godine.
 - Budući da je korisnik predmetnog objekta pribavio Suglasnost operatora javnog gradskog kanalizacionog sistema na Projekt izvedenog stanja instalacija vodovoda i kanalizacije urađenog od strane ZAGREBINSPEKT d.o.o. Mostar br. 01-15-14-X/20, urađen rujna-listopada 2020. godine, sa istim usuglasiti realizaciju Dinamičkog plana aktivnosti za radnje predviđene naprijed navedenom projektnom dokumentacijom – Glavnim projektom.
 - 3.2. Da korisnik predmetnog objekta benzinske pumpne stanice sa autopraonicom i pratećim sadržajima (za koje je izdato odobrenje za građenje i upotrebna dozvola), isti održava u funkcionalnom stanju i koristi u skladu sa njegovom prirodom i namjenom te u skladu sa uslovima iz ove vodne dozvole.
 - 3.3. Skladištenje nafte i naftnih derivata vršiti u podzemnim dvoplašnim rezervoarima uz primjenu sistema automatske dojava o procurenju međuplašnog prostora, ukupnog kapaciteta 260 m³.
 - 3.4. Da se istrošena ulja, nauljene krpe i sav opasan otpad koji se koristi u procesu čišćenja i održavanja objekata i postrojenja redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
 - 3.5. Da korisnik predmetnog objekta, za vrijeme trajanja ove dozvole, obezbjeđuje da se onečišćene vode sa internih saobraćajnih i pretakališnih površina benzinske pumpne stanice, odnosno tehnološke otpadne vode sa radnih površina autopraonice nesmetano sakupljaju i odvođe do

objekta predviđenog za tretman tehnoloških otpadnih voda (separator ulja i masti i taložnik), a zatim tretirane vode ispuštaju u recipijent – javni gradski kanalizacioni sistem.

- 3.6. Objekte za prikupljanje, tretman i ispuštanje onečišćenih otpadnih voda (slivnici, rešetke, kanalizaciona mreža, separator ulja i masti, i dr.) potrebno je održavati i koristiti na takav način koji će obezbijediti njihovu potpunu ispravnost i funkcionalnost. Čišćenje i pražnjenje separatora ulja i masti, može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
- 3.7. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 3.8. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
- 3.9. Talog iz separatora kao ni ostali opasni materijal i opad se ne smije ni privremeno odlagati na česticu „vodno dobro“, odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj: 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik „GRAND BENZ“ d.o.o. Velika Kladuša je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih i/ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne benzinske stanice obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Ova vodna dozvola, shodno članu 26. stav (1) Uredbe o ispuštanju otpadnih voda u okoliš i sisteme javne kanalizacije („Službene novine F BiH“, broj 26/20) se daje sa rokom važenja do 19.12.2023. godine.
10. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, GRAND BENZ d.o.o. Velika Kladuša, obratio se ovoj Agenciji dana 29.11.2021. godine zahtjevom broj: 29-11/21 za izdavanje vodne dozvole za ispuštanje onečišćenih oborinskih voda sa prostora internih saobraćajnih i pretakališnih površina objekta benzinske pumpne stanice BP-1 te tehnoloških otpadnih voda sa prostora autopraonice sa pratećim sadržajima, izgrađenog u ulici Zuhdiye Žalića u Velikoj Kladuši.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Ovjerena kopija rješenja o upisu subjekta upisa u sudski registar; izdano dana 24.02.2005. godine, pod brojem: U/I-144/05, od strane Kantonalnog suda u Bihaću,
- Ovjerena kopija Uvjerjenja o poreznoj registraciji, izdano dana 08.04.2005. godine, od strane Federalnog ministarstva finansija - financija, Porezne uprave – Kantonalni ured UNSKO-SANSKI,
- Ovjerena kopija Uvjerjenja o registraciji obveznika poreza na dodanu vrijednost, izdano od strane Uprave za indirektno - neizravno oporezivanje Bosne i Hercegovine, broj 04/5-1/I-17-1035-7324/05, dana 11.12.2005. godine, u Banjaluci,
- Kopija elektronskog naloga za plaćanje upravne pristojbe i federalna administrativna taksa,
- Kopija rješenja, kojim se daje urbanistička saglasnost Odošić Hašima Eminu iz Velike Kladuše, za izgradnju objekta benzinska pumpa u Velikoj Kladuši, ul. Z. Žalića, na zemljištu označenom kao k.č. br. 2008/1 K.O. Velika Kladuša, Pl 266 po novom premjeru, a u skladu sa Regulacionim planom „Tuk“ („Sl. Glasnik opštine Vel. Kladuša“, br. 11/88). Sastavni dio rješenja čine urbanističko-tehnički uslovi i situaciono rješenje br. 225/2004 od 27.08.2004. godine; izdano od strane Općinskog načelnika općine Velika Kladuša pod brojem 05/1-23/1-225/2014, dana 27.08.2004. godine, u Velikoj Kladuši,
- Kopija Rješenja, kojim se odobrava Odošić Hašima Eminu iz Velike Kladuše da kao investitor može početi sa izgradnjom objekta benzinske pumpe u Velikoj Kladuši, ul. Zuhdiye Žalića, na zemljištu označenom kao k.č. br. 2008/1 K.O. Velika Kladuša po novom i k.č. br. 1195/2 K.O. Velika Kladuša po starom premjeru, pod uvjetom da se pridržava ovjerene tehničke dokumentacije, datih urbanističko-tehničkih uvjeta i pribavljenih saglasnosti; izdano od strane Općinskog načelnika općine Velika Kladuša pod brojem: 05/1-23/2-213/04, dana 12.11.2004. godine, u Velikoj Kladuši,
- Kopija Rješenja o okolišnoj dozvoli, kojim se izdaje okolišna dozvola operatoru „GRAND BENZ“ d.o.o. Velika Kladuša za objekat benzinske pumpe koja se nalazi u ulici Zuhdiye Žalića bb, općina Velika Kladuša, na zemljištu označenom kao k.č. broj 1195/2, 1196/2, 1196/3 k.o. SP_Velika Kladuša, kapaciteta spremnika za gorivo 260 m³; izdano od strane Ministarstva za građenje, prostorno uređenje i zaštitu okoliša Unsko-sanskog kantona, broj 11/2-23-6330-UP-1/16, dana 26.07.2016. god., u Bihaću,
- Kopija Obavijesti, kojim nadležni organ obavještava podnosioca zahtjeva da do daljnjeg ne podnosi zahtjev za izdavanje obnovljene okolinske dozvole, a vezano za objekt benzinske pumpe, za koji je Ministarstvo izdalo okolišnu dozvolu broj: 11/2-23-6330-UP-1/16 od 26.07.2016. godine; data od strane Ministarstva za građenje, prostorno uređenje i zaštitu okoliša Unsko-sanskog kantona pod brojem: 11-19-8096-1/21, dana 03.08.2021. godine, u Bihaću.
- Kopija rješenja, kojim se odobrava „Grand Benz“ d.o.o. Velika Kladuša, da kao investitor može početi sa izgradnjom poslovnog (autopraonica, vulkanizerska radnja i kancelarije sa pratećim sadržajima) objekta i instalacija opreme za tečni naftni plin (TNP) za punjenje spremnika automobila i skladište lož ulja sve u sklopu benzinske pumpe u Velikoj Kladuši, Ulica Zuhdiye Žalića, na zemljištu označenom kao k.č. broj 2008/3, 2008/5 i 2008/6 upisano u pl. br. 3657 K.O. Velika Kladuša što po starom premjeru odgovara k.č. br. 1195/2, 1196/2 i 1196/3 upisano u zk. ul. 163 K.O. Velika Kladuša, pod uvjetom da se pridržava ovjerene tehničke dokumentacije, datih urbanističko-tehničkih uvjeta i pribavljenih saglasnosti; izdano od strane Općinskog načelnika općine Velika Kladuša pod brojem 03/1-23/2-1333/09; M.B., dana 08.06.2009. godine, u Velikoj Kladuši,
- Kopija rješenja o vodnoj dozvoli, kojim se daje vodna dozvola pravnom licu „GRAND BENZ“ d.o.o. Velika Kladuša, za ispuštanje onečišćenih oborinskih voda sa prostora internih saobraćajnih i pretakališnih površina objekta benzinske pumpne stanice te tehnoloških otpadnih voda sa prostora autopraonice sa pratećim sadržajima izgrađenog u ulici Zuhdiye Žalića, Velika Kladuša, na zemljištu označenom kao k.č. broj 2008/3, 2008/5 i 2008/6, K.O. Velika Kladuša, općina Velika Kladuša; izdano od strane Agencija za vodno područje rijeke Save, broj UP-I/25-3-40-299-6/20, dana 13.11.2020. god,
- Kopija rješenja, kojim se daje vodoprivredna saglasnost investitoru Odošić Eminu iz Velike Kladuše, za izgradnju objekta benzinske pumpe, u ulici Z. Žalića, na zemljištu označenom kao k.č. 2008/3 k.o. Velika Kladuša; izdano od strane Kantonalnog ministarstva poljoprivrede, vodoprivrede i šumarstva Unsko-sanskog kantona pod brojem 08-25-5838-UP-I/04, dana 03.11.2004. godine, u Bihaću,
- Izvještaj o monitoringu kvaliteta i kvantiteta otpadnih voda benzinske pumpe i autopraonice „GRAND BENZ“ BP1 Velika Kladuša; urađen od strane „Inspekt – RGH“ d.o.o. Sarajevo pod brojem 91/21, dana 08.02.2021. godine, u Sarajevu,
- Kopija Posjedovnog lista broj 3657, Katastarska općina: Velika Kladuša; izdan od strane Službe za prostorno uređenje, imovinsko-pravne i geodetske poslove općine Velika Kladuša pod brojem: 03/2-26-2885/20-2, dana 06.10.2020. godine,

- Kopija Kopije katastarskog plana, Katastarska općina: Velika Kladuša, Broj plana: 24; izdana od strane Službe za prostorno uređenje, imovinsko-pravne i geodetske poslove općine Velika Kladuša pod: UR BROJ: 03/2-26-2885/2020-1 dana 06.10.2020. godine,
- Kopija Zemljišnoknjižnog izvotka BROJ: 023-0-NAR-20-001 811, Zemljišnoknjižni uložak broj: 1312, Katastarska općina: VELIKA KLADUŠA; izdan od strane ZEMLJIŠNOKNJIŽNOG UREDA Općinskog suda u Velikoj Kladuši dana 03.09.2020. godine,
- Kopija SITUACIJA TERENA – za uplanu poslovnog objekta na parceli k.č. 2008/3; urađena od strane FOTOGEO d.o.o. Velika Kladuša, dana 09.06.2016. godine, u Velikoj Kladuši,
- Kopija rješenja, kojim se utvrđuje da su u poslovnom prostoru u sklopu maloprodajnog mjesta vrste benzinska pumpna stanica, sa sjedištem u Velikoj Kladuši u ul. Zuhdije Žalića b.b., koje posluje u sastavu „GRAND BENZ“ d.o.o. Velika Kladuša, ispunjeni uslovi u pogledu tehničke opremljenosti i zaštite na radu, zaštite i unapređenja životne sredine, sanitarno-higijenskih uslova, kao i da su ispunjeni drugi uslovi propisani u skladu sa zakonom za početak rada i obavljanje djelatnosti: TRGOVINA NA MALO 50.500 – Trgovina na malo motornim gorivima i mazivima; 50. 302/ 52. 110/ 52. 330/ 52. 470/ 52. 486 i 52.487 – Trgovina na malo neprehrambenim i prehranbenim proizvodima kao i dopunskim asortimanom u odvojenom prodajnom prostoru (rezervni dijelovi i pribor za motorna vozila; sitni prehranbeni proizvodi u tvorničkom pakovanju, bezalkoholna pića i pivo u nepovratnoj ambalaži, tvornički pakovan sladoled i cigarete; novine i časopisi; pribor za pecanje i oprema za kampovanje; sredstva za higijenu; suveniri i proizvodi umjetničkih zanata).; izdano od strane Općinskog načelnika općine Velika Kladuša pod brojem: 09/2-20-97/05 S.Č., dana 06.10.2005. godine,
- Kopija rješenja, kojim se daje upotrebna dozvola Odošić Hasima Eminu iz Velike Kladuše za upotrebu objekta benzinske pumpe sa pratećim sadržajima, izgrađen u Velikoj Kladuši, Ulica Zuhdije Žalića bb, prema odobrenju za građenje broj: 05/1-23/2-213/04 od 12.11.2004. godine; izdano od strane Općinskog načelnika općine Velika Kladuša pod brojem: 05/1-23/4-35/05, dana 26.09.2005. g.,
- Kopija rješenja, kojim se daje upotrebna dozvola „Grand Benz“ d.o.o. Velika Kladuša za upotrebu poslovnog (autopraonica, vulkanizerska radnja i kancelarije sa pratećim sadržajima) objekta i instalacije opreme za tečni plin (TNP) za punjenje spremnika automobila i skladište lož ulja sve u sklopu benzinske pumpe, izgrađen u Velikoj Kladuši, Ulica Zuhdije Žalića, površine 295,38 m², na zemljištu označenom kao k.č. br. 2008/3, 2008/5 i 2008/6 upisano u pl. broj 3657 K.O. Velika Kladuša, što po starom premjeru odgovara k.č. br. 1195/2, 1196/2 i 1196/3 upisano u zk. ul. 163 K.O. Velika Kladuša, za koji je prethodno izdano odobrenje za građenje broj: 03/1-23/2-1333/09 od 08.06.2009. godine; izdano od strane Općinskog načelnika općine Velika Kladuša pod brojem: 03/1-23/4-1714/10; MB, dana 16.07.2010. godine, u Velikoj Kladuši,
- Kopija Računa za utrošenu vodu i komunalne usluge 200576-1-1021-10, za oktobar mjesec tekuće godine (uračunata i naknada za kanalizaciju) za objekt benzinske pumpe; izdan od strane JKP „VIK“ d.o.o. Velika Kladuša, dana 31.10.2021. godine,
- Kopija Računa za utrošenu vodu i komunalne usluge 219112-1-1021-10, za oktobar mjesec tekuće godine (uračunata i naknada za kanalizaciju) za objekt autopraonice; izdan od strane JKP „VIK“ d.o.o. Velika Kladuša, dana 31.10.2021. godine,
- Kopija Računa za utrošenu vodu i komunalne usluge 211937-1-1021-10, za oktobar mjesec tekuće godine za hidrantsku mrežu benzinske pumpe; izdan od strane JKP „VIK“ d.o.o. Velika Kladuša, dana 31.10.2021. godine,
- Kopija Ugovora o izvođenju radova, zaključen između ugovornih strana, br. 2399/21-DS, predmet kojeg su radovi na čišćenju separatora (tretman otpadnih voda) iz separatora i septičkih jama iz firme „GRAND BENZ“ d.o.o. Velika Kladuša, a odnosi se na objekte benzinke stanice 1 i 2 te samouslužne autopraonice, zaključen dana 26.11.2021. godine sa „DELTA PETROL“ d.o.o. Kakanj,
- Kopija Jamstvenog lista, za proizvod BP TOP 20G/EO/PB, Tvornički broj: 014/10, dat od strane proizvođača – BORPLASTIKA d.o.o. Kneževi Vinogradi,
- Kopija Uvjerenja o osposobljenosti zavarivača plastičnih masa prema DVS 2212, dato od strane INŽENJERING – KOMERC d.o.o. Krk pod brojem: IK-PL-006-2009, dana 16.03.2009. godine,
- Kopija Uvjerenja br. ZNR-1 33453/3 o provjerenoj sigurnosti novoizrađenih – uvoznih oruđa, za separator ulja, proizvođača BORPLASTIKA d.o.o. Kneževi Vinogradi, tip: as top 0,5 + 250 l/s; izdano od strane Zavoda za ispitivanje kvaliteta Zagreb, dana 23.07.2009. godine, sa rokom valjanosti na 5 g.,
- Kopija Jamstvenog lista separatora odvajača taloga ulja i masti tip TEHNIX za naručioca GRUPEX d.d. Velika Kladuša, dat od isporučioća Tehnix d.o.o. Donji Kraljevec (RH), dana 04.08.2005. godine,
- Kopija Uvjerenja broj: 2732/02 izdano na osnovu Zapisnika o provjeri broj 15/2002-16 od 22.04.2002, koje se daje za separator za pročišćavanje industrijskih i oborinskih voda proizvođača TEHNIX d.o.o.

Donji Kraljevec, a odnosi se na zadovoljavanje zahtjeva utvrđenih pravilima zaštite na radu; dato od strane Instituta za sigurnost Zagreb, dana 24.02.2002. godine, u Zagrebu,

- Kopija Saglasnosti na Projekt izvedenog stanja instalacija vodovoda i kanalizacije, urađen od strane pravnog lica ZAGREBINSPEKT d.o.o. Mostar pod brojem 01-15-14-X/20 rujna-listopada 2020. godine, a što je traženo rješenjem o vodnoj dozvoli br. UP-I/25-3-40-299-6/20 od 13.11.2020. godine; izdana od strane JKP VODOVOD I KANALIZACIJA d.o.o. Vel. Kladuša pod brojem: 732-02/21 dana 04.11.2021. g,
- Zaključak o visini i roku za plaćanje posebnih troškova, izdan od strane ove Agencije, broj UP-I/25-3-40-573-4/21, dana 05.01.2021. godine, te kopija elektronskog naloga za plaćanje istih,
- Projekt izvedenog stanja instalacija vodovoda i kanalizacije ; urađen od strane ZAGREBINSPEKT d.o.o. Mostar pod brojem 01-15-14-X/20, rujna/listopada 2020. godine (na uvid),
- Izvještaj o kontroli tehničke dokumentacije, urađen od strane PROJEKT a.d. Banjaluka pod brojem 580/20, dana 21.10.2020. godine, u Banjaluci (na uvid).
- Glavni projekt rekonstrukcije sustava odvodnje onečišćenih oborinskih voda; urađen od strane ZAGREBINSPEKT d.o.o. Mostar pod brojem 01-15-151-XI/21, studenog 2021. godine (na uvid).

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku, uvjetima i načinu izdavanja i čuvanja vodnih akata, izvršen je pregled objekta benzinske pumpne stanice sa autopraonicom i pratećim sadržajima „GRAND BENZ“ d.o.o. Velika Kladuša, u ulici Zuhdiye Žalića, u Velikoj Kladuši, i tom prilikom sačinjen zapisnik o uviđaju broj: UP-I/25-3-40-573-5/21, dana 15.01.2021. godine.

Objekt benzinske pumpne stanice sa autopraonicom, vulkanizerskom radnjom i pratećim sadržajima „GRAND BENZ“ d.o.o. Velika Kladuša, BP-1, je lociran u ulici Zuhdiye Žalića, sa lijeve strane magistralne ceste M 4.2 (Cazin Srbaljani – GP Maljevac).

Objekt se sastoji od nadstrešnice sa automatima za istakanje goriva, maloprodajnog objekta sa sanitarnim čvorom, upravnim prostorijama i kafe barom, podzemnih čeličnih dvoplašnih spremika za gorivo, uređaja za tretman otpadnih voda, objekta autopraonice sa vulkanizerskom radionicom, nadstrešnicom nad automatom za pretakanje tečnog naftnog gasa, nadstrešnicom za smještaj plinskih boca te manipulativnog asfaltiranog/betoniranog prostora i zelenila. Objekt se nalazi na ravnom terenu, sa internim saobraćajnim i pretakališnim površinama i ugrađenim linijskim slivnim rešetkama prema magistralnoj cesti. Na zapadnoj strani prema gradskoj ulici nisu razdvojene interne saobraćajne i radne površine autopraonice od gradske ulice.

Gorivo se drži uskladišteno u ukopanim spremnicima sa dvostrukom stijenkama, zapremine 2x100 m³, 50 m³ za loživo ulje i 10 m³ za LPG.

Sanitarne otpadne vode iz objekta upravne zgrade su kanalizacionim cijevima sprovedene do priključka na kolektor javnog gradskog kanalizacionog sistema.

Oborinske vode sa krovova su sistemom horizontalnih i vertikalnih oluka sprovedene do revizionih šahtova, a potom cijevnim sistemom odvedene u okno gradskog kanalizacionog sistema. Dio oborinskih voda se ispušta na manipulativne površine (nadstrešnica spremišta plinskih boca, i sl.).

Zauljene - onečišćene oborinske vode, koje nastaju na prostoru internih saobraćajnih i pretakališnih površina, se ispuštaju također u kolektor javnog gradskog kanalizacionog sistema, nakon tretmana u separatoru ulja i masti.

Objekt benzinske pumpne stanice sa pratećim sadržajima je jedna funkcionalna cjelina sa zasebnim aktima o građenju, a druga funkcionalna cjelina je objekt za skladištenje plina i loživa ulja sa autopraonicom i vulkanizerskom radnjom te pratećim sadržajima, a za koje su pribavljeni zasebni akti o građenju. Za svaku od funkcionalnih cjelina su izgrađene interne saobraćajne, radne i manipulativne površine sa instaliranim zasebnim uređajem za tretman tehnoloških, odnosno onečišćenih oborinskih voda.

Priložen je izvještaj o mjerenju kvaliteta otpadnih voda benzinske pumpe i autopraonice, urađen februara 2021. godine, a uzorak je uzet na mjestu preliva iz separatora ka recipijentu. Na predmetnoj lokaciji su ugrađena dva separatora sa dva ispusta u recipijent, a ispitivanje se vrši samo na jednom ispustu.

Podnosilac zahtjeva je uradio projektnu dokumentaciju izvedenog stanja, kojom su predviđene potrebne intervencije u cilju prikupljanja i tretmana tehnoloških i onečišćenih oborinskih voda sa predmetnog prostora (dio oborinskih onečišćenih voda sa internih saobraćajnih i manipulativnih površina benzinske pumpne stanice te dio tehnoloških otpadnih voda sa radnog prostora autopraonice uslijed spojenih saobraćajnih površina sa gradskom ulicom, se slijevaju na istu, a bez prethodnog tretmana. Projektnom dokumentacijom je dato rješenje projekt rekonstrukcije sustava odvodnje onečišćenih oborinskih voda kojim je data predračunska vrijednost navedenih radova i urađen dinamički plan predviđenih aktivnosti sa finansijskom procjenom ulaganja, a sve prema članu 26. Uredbe o ispuštanju otpadnih voda u okoliš i sistema javne kanalizacije.

Nadalje, projektnom dokumentacijom je utvrđena podkapacitiranost separatora ulja i masti za tretman tehnoloških otpadnih voda sa prostora autopraonice sa pripadajućim onečišćenim vodama sa prostora internih saobraćajnih površina. Budući da se ispuštanje otpadnih voda, nakon tretmana, vrši u kolektor javnog gradskog kanalizacionog sistema, za ispuštanje je potrebno pribaviti saglasnost operatora istog.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama članova 53. i 116. Zakona o vodama, člana 12. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i člana 14. Uredbe o uslovima ispuštanja otpadnih voda u okoliš i sisteme javne kanalizacije..

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva, „GRAND BENZ“ d.o.o. Velika Kladuša, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Ahmet Smajlović, dipl. inž. arh.

Po ovlaštenju
Rukovodilac sektora za izdavanje vodnih akata


/Haris Ališehović, dipl. inž. građ.

Dostaviti:

- „GRAND BENZ“ d.o.o. Velika Kladuša, Zuhdije Žalića bb, 77 230 Velika Kladuša,
- Q AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava